

大山中央有河其南山東出金城與漢南山屬焉其河有兩源一出葱嶺東流葱嶺山名也西河舊事一云其山高大生葱故名一出于真南山下北流與葱嶺河合東注蒲昌海蒲昌海一名鹽澤去玉門三百餘里自敦煌西出玉門陽關涉鄯善北通伊吾千餘里自伊吾北通車師前部高昌壁千二百里自高昌壁北通後部金滿城五百里此其西域之門戶也故戊辰校尉更互屯焉伊吾地宜五穀桑麻蒲萄其北又有柳中皆膏腴之地故漢常與匈奴爭車師伊吾以制西域焉自鄯善踰葱嶺出西諸國有兩道傍南山北陂河西行循河曰陂音彼義反次下亦同史記曰陂山海道至莎車為南道南道西踰葱嶺則出大月氏安息之國也自車師前王庭隨北山陂河西行至疏勒為北道北道西踰葱嶺出大宛康居奄蔡焉者出玉門經鄯善且末精絕三千餘里至拘彌拘彌國居靈彌城去長史所居柳中四千九百里續漢書曰靈彌國王本名拘彌去洛陽萬二千八百里領戶二千一百七十三口七千二百五十一勝兵千七百六十人順帝永建四年于寔王放前殺拘彌王興自立其子為拘彌王而遣使者貢獻於漢敦煌太守徐由上求討之帝赦于寔罪令歸拘彌國放前不肯陽嘉元年徐由遣疏勒王臣槃發二萬人擊于寔破之斬首數百級放兵大掠更立興宗人成國為拘彌王而還至靈帝熹平四年于寔王安國攻拘彌大破之殺其王死者甚眾戊辰校尉劉攽曰案文多己字但是和帝以後事並多此一字也西域長史各發兵輔立拘彌侍子定興為王時人眾裁有千口其國西接于寔三百九十里

V.

乾隆四年校刊 後漢書卷一百八列傳

于寔國居西城去長史所居五千三百里去洛陽萬一千七百里領戶三萬二千口八萬三千勝兵三萬餘人建武末莎車王賢強盛攻并于寔徙其王俞林為驪歸王明帝永平中于寔將休莫霸反莎車自立為于寔王休莫霸死兄子廣德立後遂滅莎車其國轉盛從精絕西北至疏勒十三國皆服從而鄯善王亦始強盛自是南道自葱嶺以東唯此一國為大順帝永建六年于寔王放前遣侍子詣闕貢獻元嘉元年長史趙評在于寔病癰死評子迎喪道經拘彌拘彌王成國與于寔王建素有隙乃語評子云于寔王令胡醫持毒藥著創中故致死耳評子信之還入塞以告敦煌太守馬遵明年以王敬代為長史遵令敬隱蔽其事敬先過拘彌成國復說云于寔國人欲以我為王今可因此罪誅建于寔必服矣敬貪立功名且受成國之說前到于寔設供具請建而陰圖之或以敬謀告建建不信曰我無罪王長史何為欲殺我且建從官屬數十人詣敬坐定建起行酒敬叱左右執之吏士並無殺建意官屬悉得突走時成國主薄秦牧隨敬在會持刀出曰大事已定何為復疑即前斬建于寔侯將輸輿等遂會兵攻敬敬持建頭上樓宣告曰天子使我誅建耳于寔侯將遂焚營舍燒殺吏士上樓斬敬懸首於市輸輿欲自立為王國人殺之而立建子安國焉劉攽曰國人殺之案下文言輸輿死馬遵聞之欲將諸郡兵出塞擊于寔桓帝已經月此時安得云殺之蓋是不從字馬遵不聽徵還而以宋亮代為敦煌太守亮到開幕于寔令自斬輸輿時輸輿死已經月乃斷死人頭送敦

VI.